



類說卷第四十六

隋唐嘉話

劉禹錫嘉話
茅亭客話

玉堂閑花

隋唐嘉話

劉竦撰

薛道衡詩

薛道衡聘陳為人日詩云入春統七日離家已二年南人蠶之
曰是底言語及云人婦落鴈後思發在花前乃曰名下無虛士

粉盤書事

隋高穎為僕射每以盤盛粉置卧側思得一公事輒書其上至

明則錄入朝行之

更能作空梁落燕泥否

煬帝善屬文不欲人出其右薛道衡由是得罪囚事誅之曰更能作空梁落燕泥否帝爲燕歌行文士皆和王胄獨不下帝每銜之胄竟見害誦其懿言句曰庭草無人隨意綠復能作此語耶

鏡聲

蘇威有鏡日蝕亦昏黑無所見日蝕半缺鏡亦半昏後櫃內有聲如磬尋之乃鏡聲也無何其字焚死後更無聲威敗不知所在

豐都市

洛陽南市即隋豐都市也初築外垣掘一塚棺中有平上朱衣銘曰筮言居朝龜言近市五百年間於斯見矣校其年月當魏初黃二年

夢洪水

隋文帝夢洪水沒城乃移都大興術者云洪水即唐高祖之名娘子兵

平陽公主聞高祖起義兵太原乃招集亡命以迎軍特號娘子兵

人物志

李守素尤精譜李人號肉譜虞世南改爲人物志

美人食乳

侯君集既誅錄其家得二美人容色絕代常食人乳而不飯

無賴賊

李勣常言我言十二三爲無賴賊逢人則殺十四五爲難當賊有所不快者無不殺之十七八爲好賊上陣乃殺人年二十爲大將用兵以救人死

出血數斛

秦叔寶晚年多病曰吾少長戎馬二百餘戰前後出血不啻數斛何能無病乎

行秘書

太宗嘗出行有司請載副書以從上曰不須虞世南在此行秘書也

梟鳴改官

有梟晨鳴於張率更庭樹其妻以爲不祥連唾之張曰急洒掃吾當改官言未畢賀者已在門

西域胡僧

貞觀中西域獻胡僧呪術能死生人太宗令於飛騎中揀勇壯

者試之如言而死如言而蘇傳奕曰此邪法也邪不犯正若使
呪臣必不得行帝召僧呪奕初無所覺湏臾胡僧自倒若為所
擊者更不復蘇

金剛石

有婆羅僧言得佛齒所擊前無堅物奔湊如市傳奕謂其子曰
吾聞金剛石至堅物不能敵唯羚羊角可破汝往試之果應手
而碎

太宗冊文金篋

褚遂良為太宗哀冊文自朝還馬誤入人家而不覺也侯君集

破高昌得金篋甚精御府所燕

三恨

薛元超曰吾富貴過分然平生有三恨不以進士擢第不得娶
五姓女不得脩國史

巡堤步月徐轡詠詩

高宗承貞觀之後天下無事上官儀獨持國政嘗凌入朝巡洛
水堤步月徐轡詠詩云脉々廣川流駟馬歷長洲鵲飛山月曉
蟬噪野風秋羣公望之如神仙

官官放鷓

楊德幹為萬年令有宦官放鷓不避人禾稼德幹擒而杖之宦
者泣訴於高宗上曰你情知此漢獐何須犯他百姓竟不之問
胡頭獐面

賈嘉隱年七歲以神童名見徐勣曰此小兒獐面何得如此聰
明嘉隱曰胡頭上為宰相獐面何廢聰明勣狀胡故也

胡名

武后以吏部選人多不實乃令試日自糊其名暗考以定等第
判之糊名自此始

一約絲

張昌儀兄弟恃勢之昌宗之寵所居奢溢有書其門曰一約絲
能得幾日絡昌儀遽書其下云一日即足無何禍及

沈三允詩

沈佺期以詩見張燕公公曰沈三允詩須還他第一

錦袍

武后遊龍門命羣臣賦詩先成者賞錦袍左史東方虬既拜賜
宋之問詩復成文理兼美乃奪袍賜之

三二百年無此文

崔融作武后哀策文因發病而卒詩人以為三二百年來無此文

定昆池

中宗朝安樂公主請昆明池帝曰前代以來不以與人主不悅因大役人徒別掘一池號曰定昆池既成中宗往觀令公卿賦詩李日知云但願暫思居者逸無使當時作者勞

許子不孝

李傑之爲河南尹有婦人許子不孝涕泣不自辯明但言得罪於母死甘分母固請殺之李曰可買棺來取兒尸因使人尾其後婦出謂一道士曰事了矣俄棺至李令擒道士乃與婦有私常爲兒所制故欲除之李杖殺母及道士以棺載母喪以歸

張底

崔湜爲中書令張嘉貞爲舍人湜輕之常呼爲張底後因議事皆出人表湜驚曰張底乃我輩一般人此終是其坐處

望省樓

崔日知恨不居八座及爲太常於廳事後起一樓正與尚書省相望時號崔公望省樓

玉樹青葱

雲陽縣界多漢離宮故地有似槐而葉細土人謂之玉樹楊子雲甘泉賦云玉樹青葱後左思以雄爲假稱珍恠不詳也

晉長明灯

江陵縣寺有晉長明灯歲久火色青而不熱隋文帝平陳已訝其古

索靖書

王虞右軍叔也得索書一紙永嘉喪亂乃四疊於衣中以渡江為衛公藏拙

魏收北朝之秀徐陵聘齊收錄其文遺之令傳江左陵濟江沉之曰吾為魏公藏拙

靈運鬚

晉謝靈運鬚美臨刑施為南海祇洹寺維摩詰鬚

假面

高齊蘭陵王長恭白類婦人乃着假面以對敵與周師戰勇冠三軍齊人壯之乃為舞以效其指麾擊刺之容今人面是也

踏槿娘

隋末河間有人鼓鼻使酒自號郎中每醉必毆擊其妻比美而善訝每為悲怨之聲輒槿其身好事者為假面以寫其狀呼為踏槿娘今轉為踏容娘是也

千秋節

有嘉堂

八月五日明皇生辰號千秋節王公戚里進金鏡綬帶士庶結承露絲囊以相遺問

水調歌

隋煬帝鑿汴河自製水調歌

阿婆堂主

煬帝燕群臣以唐高祖面皴呼為阿婆高祖婦不悅以語竇后
曰此吉兆公封於唐者堂也阿婆即是堂主高祖大悅

毬場

武宗訓用油洒地以築毬場

司農賣菜

高宗時司農欲賣冬藏餘菜以墨勅示僕射蘇良嗣判曰公儀相魯猶拔去園葵况臨御萬邦而販蔬鬻菜事竟不行

醉僧圖

張僧繇作醉僧圖道士每以此嘲僧群僧於是聚錢數十萬贈閻立本作醉道士圖今並傳於世

為賢尊報讎

許敬宗奏流其子昂於嶺南敬宗死傅士表思古議謚曰謬昂子彥伯於衆中將擊之表曰今為賢尊報讎何為又怒彥伯

慚而止

覓活覓死

武后方肆誅戮大理卿胡元礼承旨欲陷人死李日知改断再
三不從元礼曰胡元礼在此人莫覓活日知曰李日知在此人
莫覓死竟免之

峽口棺

將軍王果峽口見一棺於崖側將墜遷之平處得銘云後三百
年水漂我欲墮逢王果

劉禹錫嘉話

常絢

絢少陸機入洛之三歲多重耳在位之二年投謁故尚書劉公
二十八丈記其所話續為談柄大中十年江陵少尹常絢叙

張巡詩

張巡守睢陽作詩曰接戰春來苦孤城日漸危合圍伴月暈分
守等魚麗屢厭黃塵起時將白羽揮棗瘡猶出陣飲血更登陴
夜聞笛詩曰不辨風塵色安知天地心

誌公懺

梁朝誌公大師曰兩角女子綠衣裳却背大行邀君王一止之

月必消亡兩角女子安字綠者祿也一止正月也果正月敗亡
詩注有錫字六經無饀字

宋考功詩云馬上逢寒食春來不見錫毛詩鄭箋說吹簫處注
云即今賣錫人家物六經唯此注中有錫字吾因重陽擬押一
饀字六經未見有饀字不敢為之

五夜

五夜者甲乙丙丁戊更相迭之唯乙夜子夜未詳

三公入市

杜司徒常言我致政之後必買小駟飽食訖跨之着麕布襪衫
入市看盤鈴傀儡即足矣後致仕果行其志諫官上疏言三公
不合入市公曰在吾計中矣

蒸胡美不可言

劉晏五鼓入朝時寒中路見賣蒸胡處熟氣騰輝使人買以袍
袖包裙褐底啗之謂同列曰美不可言

鬻餅謳歌

劉伯芻侍郎所居巷口有鬻餅者早過戶必聞謳歌當爐召與
萬錢令多其本日取胡餅償之後過其戶寂不聞謳聲呼至問
曰何輟歌之遽乎曰本流既大心計轉麓不暇唱渭城矣

宇文融百日宰相

永徽中盧齊卿暴死及蘇說見其舅為冥司判官有吏押案曰宇文融為宰相舅曰融豈堪宰相吏曰天符已下數目多少即由判官舅乃判一百日既拜果百日而罷

持此秤量天下

上官昭容其母將誕夢人與秤曰持此秤量天下鄭氏冀是男及生昭容母曰秤量天下豈是汝耶嘔啞如應曰是

宋之問乞劉希夷詩

劉希夷詩曰年、歲、花相似歲歲年年人不同宋之問苦愛

此句懇乞不與之間怒以土袋壓殺之宋生不得其死天報也

鶴鷓鴣

世間只知鶴胎生所以賦云胎化仙禽不知鷓鴣亦是胎生若緣鷓鴣食魚不與鶴同今見養鶴者啗腥穢甚於鷓鴣若以色黑於鶴則白鶴千年方變為玄鶴君子惡居下流其鷓鴣之謂乎陳標蜀葵詩云能共狝丹爭幾許得人憎處只緣多鷓鴣之謂也

菠稜

菜之菠稜本西國中有僧自菠稜將子來或云是頗稜將來語

訛也

插打

范希朝赴鎮太原辭省中郎曰官郎中有事但處分第一遍不應亦且恕至第三遍不應即任郎中下手插打。造箭者之插羽打翰謂損箭射我也

諸葛菜

諸葛所止獨種蔓菁取其纒出苗可生啗一也葉舒可煮二也久居滋長三也弃去不惜四也回則易尋五也冬有根可斲食六也蜀呼諸葛菜

崔群聰明過人

韓十八愈直是太輕薄謂李程曰某與崔大丞相群同年往還直是聰明過人李曰何處過人韓曰與愈往還三十餘年不曾共愈說著文章此是過人也

諱愈制詞

諱愈初貶制詞席舍人爲之曰早登科第亦有聲名席旣物故友人曰席無令子弟豈有病陰毒傷寒而與不繫喫曰席十八喫不繫太遲也或問何也出語不是當蓋忿其責詞云亦有聲

名

十八年宰相妻

元載敗妻王氏曰某道節度使女十八年宰相妻今日相公犯罪死即甘心使妾為春婢不如此也主司上聞俄亦賜死

宰相夜醮

王縉下獄問頭云身為宰相夜醮何求王曰知則不知死則合死

乞一快死

元載於萬年縣佛堂中謁主官乞一快死主者曰相公今日受此子汙淫不恠也乃脫穢鞵塞其口而終

宰相碑

杜鵬舉父常夢見一大碑云是宰相碑已作者金填字未者刊名碑上杜問曰杜家有否曰有任看之姓下有鳥偏旁曳脚而忘其字乃名鵬舉曰汝不為相即世上名子鳥旁曳脚鵬舉生子名鴻漸

三臺

北齊高洋毀銅雀臺築三箇臺宮人拍手呼上臺因以送酒則天時刺史鄧弘慶進送酒三臺

道州叅軍湖州文學

楊國忠會諸親時知吏部銓事歎大喙呼選人名引人中庭不問資叙短小者補道州參軍胡者與湖州文學簾中大笑

三教聖人

德宗誕日內殿三教講論諸人談畢僧鑒虛曰臣請奏事玄宗皇帝我唐天下文宣王古今之聖人釋迦如來西方之聖人皇帝陛下南贍部州之聖人

蜀道易

陸暢謁肅臯作蜀道易云蜀道易於履平地臯大悅

寶章集

武后問王方慶卿家舊書存乎方慶集右軍以下二十餘人書帖命崔融作叙賜名寶章集

贈項斯詩

楊祭酒贈項斯詩曰度見詩總好今觀標格勝於詩平生不解藏人到善處相逢說項斯

飛白

飛白始於蔡邕梁蕭子雲能之武帝曰蔡邕飛而不自羲之飛白之簡在卿斟酌耳

借舡帖

王內史借舡帖盧尚書寶之張賓護求假荅云只可就看未嘗
借人後有人持此帖求售張驚問之云盧家郎君竊出賣耳張
歎而却之

虎骨求雨

南中旱甚即以虎骨投有龍處即雨激龍之怒也

窮相女子

王昇有妹国色德宗納之不戀宮苑帝曰窮相女子乃出之勅
其兄不得嫁進士朝官任配軍將親憤後因流落

茅亭客話

江夏處士黃休復

衣錦井中

費絢應進士舉衣錦在井中竟自喜曰及第錦衣遊鄉井尔或
曰此非佳夢衣錦井中文章未顯之兆來春果下第

占夢

人藏氣陰多則夢數陽壯則夢稀有夢亦不復記之瞽者無夢
愚者少夢有士人能原夢或撰一夢請占之皆驗他日告云吾
實無夢向者吾撰也聊以試君皆驗何也荅曰意形於言災福
隨之

居士王裕留心禪學暮年謂同流曰吾某日行化有僧曰吾爲
作十念裕曰透漏無形十方無碍直至無心未得爲了何況有
念者哉

置千金焚香禱孫真人

眉州民家氏夫婦中年唯一男旣冠羸瘦瘠日加父母置千金
方一部於所居閣上日夜焚香望我眉山禱孫真人乞救護一
夕夢老翁白衣云汝男是當時生授父母氣數較少吾今教汝
每旦父母各呵氣令男開口嚥之如此三日汝男當愈遂冥心
如所教即強壯能食諸苦除後冠褐入道事真人無怠焉

肉芝

蜀有村夫鬻白蝦蟆甚大兩目如丹皆云肉芝也有醫工買婦
慮其走送以大石白合旌地至曉石白透明如燭籠醫工駭愕
齋沐負鐻挈蟾辭家人入青城山不知存亡

白蟾

有鮮于熙者上巳日飲萬歲池草旁見一小白蝦蟆遂取之即
席有姓劉人奪而吞之熙戲曰閣下吞此白蟾苟成得道祇威
強盜耳蚤訖倉忙飲水昏悶旬餘醫治方愈嘗覽抱撲子內篇
云肉芝者萬歲蟾蜍也頭上有角目赤頰下有丹紋體重而跳

捷以五月五日午時取之陰乾以左足畫地成泉帶之辟兵敵
人射子弩皆反自傷今人生吞熟啖愚之甚也設使白蝦蟆是
肉芝市井之人臟腑滓穢之氣與靈物相攻寧有全人乎

鮮蝦蟆螫

鮮魚蝦蟆螫三物大者有毒殺人蝦蟆白者亦令人小便秘臍
下慙疼有至死者宜以生豉投新汲水中浸令豉水濃服之即差

地漿解毒

有寺僧市野樵有黑而斑者有黃白而赤者為齋食衆僧悉吐
瀉有死者有醫工曰掘地作坑以新汲水投坑中撓之澄清名

曰地漿飲之其毒即解夫葷菌生樹者曰葷生地者曰菌皆濕
氣鬱蒸而生又有生於腐骸毒蛇之上大而光明人誤以為靈
芝食之而速死

按簿點死屍姓名

成都漆匠艾延祚為賊所駭令造漆器忽聞天兵至延祚上樹
匿穠葉間見搜捕殺戮至夜遂下樹卧積屍中至中夜聞傳呼
頗類將吏有十數人旦無燭炬不見其形但聞按據傳籍稱點
姓名僵尸聞呼一起應唯不呼延祚姓名乃知討叛伐逆奉
天行誅故無誤矣

夷婦不屈

甲午年天兵克益州軍次洪雅有卒掠獲一夷人婦頗有姿色
自云有夫卒欲逼之則交臂疊膝俯地而坐卒怒欲斷頸剖心
終不能屈

裝畫功德

賊

張光贊善裝畫功德為賊所執凡數劍而頸不斷卧積屍中夜
央見老僧曰汝平生裝功德用心吾未救汝言訖開目無所苦
焉

娑羅花

峩眉山中娑羅花苞大如拳葉似枇杷葉凡二十餘葉相背捧
苞類桐花三簇三十餘朵經月方謝有西域僧云中印度亦然
化虎

靈池縣村民郝二以醫卜為業家有化虎圖每日顯坐瞪目觀
之不倦都忘人事人召醫療祇以虎圖帳為餉遺之物不數年
舍中懸掛皆遍唯好啗生肉後化為虎

老僧化虎

成都人姓徐至一村見一老僧在穿中日夜來入村教化回誤
落檻穿望檀越慈悲解救村叟共開檻而出之跳躍數步化成

巨虎去

虎威

永康軍獵者李吹口能刺虎云虎有威如乙字長三寸許左脇兩旁皮下取得佩之臨官則能威衆凡虎視只以一目放光一目看物凡為虎傷死及溺水死者魂曰張鬼凡月暈虎必交凡虎食狗必醉狗者虎之酒也凡虎不傷醉人頃一村夫醉臨崖而睡有虎來嗅之虎鬚誤入醉人鼻中大噴嚏虎驚躍落崖而斃

埋蠶鬻桑

新繁縣李氏養蚕甚多將放值桑大貴遂埋蚕而鬻其葉大獲其利因買肉麵造饅頭食之擘開每顆中有一蚕自此人口淪喪夫蚕者靈虫衣被天下愚民坑之有此報耳

殺生負心冥之重罪

孫知微圖畫道釋不如葷酒有文巫識魁形狀知微問之云鬼有數等有福德者精神俊爽與人交言薄相者氣劣神悴假某傳言今道途人鬼各半人自不辨知微曰冥中所重者何罪曰殺生與負心爾所崇奉者佛教也

服玉泉法

杜鼎昇服玉泉法去三尺堅齒髮除百病玉泉者舌下兩脉津液是也每旦起坐瞑目絕慮叩齒二七通漱令滿口乃吞下以意送至臍下氣海一七遍經久自然如流水瀝上下坎澗之聲如此則百脉和暢黃庭云玉池清水灌靈根又曰嗽咽靈液災不干是也

玉堂閑話

王仁裕

燕繼室害諸雛

詞臣奉職之餘各話平生見聞學士承旨王仁裕學士張沅范質二燕巢舍下育數雛已哺食矣其雌者爲猫所搏食之雄者啁啾久之方去別與一燕爲匹哺食如故不數日諸雛墜地宛轉而疆兒輩剖腹視之則有雛子盈於嗉中蓋爲繼室者所害凡有血氣之類憎愛嫉妬之心未嘗無也

駙馬駒

駙馬駒子隨母行有在前者有母與並者有隨後者此曰生時耳月初生者在前月半生者處中月末生者居後

商山遇虎

商山路多驚獸有騾群早行騾忽驚駭有一虎自叢薄中躍出攫一夫而去同行莫敢回顧食頃遭攫者却回云虎啣至岩崖

之上前有萬仞清溪。南有洞，洞口有數小虎，顧望若有所待。其虎呀吼呼其諸子，某潛伸脚取虎背，盡力一踏，虎失脚墜深澗，不復再登，是以得脫。

醉入塚中

兗州有民家，改塋父母外婚，咸至。有女婿乘醉隨柩入塚中，地主不知，即掩塞之而去。翌日主人覆墓，隱隱聞塚中呼叫之聲，發而出之，云酒醒後覺身在暗室，舉手捫壁，方寤在塚中。忽聞一丈夫一老嫗私語，久在逆旅，今喜安居，如相賀之意。又云何得有生氣，取火照，乃有火炬出柩旁，照見某則云：燒則火炬交至，鬚髮俱焦，落燒人肌膚，不堪痛楚，少頃方止。

御史臺故事

御史臺故事：御史止事，白吏人參謁亦無通贊，忽於階下齊拜，默然而退，謂之鬼參。又判案三道，判云：記資二字亦不撓其意，亦不知所出。

中鰲毒

有人於河下獲鰲十數頭，甚肥嫩，烹而臠之，舉族共食。是夕俱斃，無一人免者。蓋中鰲毒耳。鰲水族而處於陸地，固可疑也。君子飲食宜慎之。

上霄峰禹跡

廬山有上霄峰可千仞上有古跡云夏禹治水時泊舟之所鑿石爲竅繫纜其上有磨崖碑皆科斗文字隱隱可見

芋墻

閩阜山一寺僧甚專力種芋歲收極多杵之如泥造墻爲墻後遇大飢獨此寺四十餘僧食芋墻以度凶歲

占早

上元夜豎一丈竿於庭中候月午其影至七尺大稔六尺八尺小稔九尺一丈有水五尺歲旱三尺大旱又正月一日於牛屋

下驗牛俱卧則五谷難立苗半卧半起歲中平牛若俱立則五

谷熟春甲子日雨多旱秋甲子日雨多水

十九鰲求生

崔悅尚書家方會客夜夢十九人着青羅衣拜告求生既寤見器中有水泛鰲數之大小正十九頭遂詣水次放之

張守中詩

張守中秀才蝴蝶末句云今夜若棲芳草徑為傳幽意與王孫又曰薄命蘇秦頻去國多情潘岳旋悲秋

此處與幘頭分界

閩帥王審知猶子善談笑有書生頗黑因醉卧王以朱筆題額
曰此處與幞頭分界

薔薇詩

李季蘭女年六歲作薔薇詩云經時不架却心緒亂縱橫父曰
此文必為失行婦人果如其言

顏魯公尸解

顏魯公遭難後十餘年家僕於洛京見公衣白衫張蓋歸城隅
菜園有破屋數間僕隨之入拜公懷中出金十兩以寄其家仍
戒僕勿與人說公之子亟至前處但見滿目榛蕪而已時人皆
云魯公尸解得道

劫鼠食倉

天復中隴右大飢其年秋稼甚豐將刈之間大半無穗有人就
田斫鼠穴而求之所獲甚多於是家戶窮空有獲五七斛者相
傳謂之劫鼠食倉民間皆出田中求食濟活甚衆

火精

梁朝翰林學士任贊居職數年猶著朱紋於案上是時梁王知
之命賜紫袍金章詩曰數年叨內署衫色儼然頓任贊字希席
知君是火精

念大悲咒

徐人歐陽粲路行遇雨已昏暝見巨物長丈餘出於前粲存念大悲神咒妖不能侵雨亦稍止

畫鷄

江南有道士厲婦真嘗游洪州信果觀內塑像是玄宗時夾紵雀蛤糞穢其上婦真於壁畫一鷄筆迹奇異自是鳥雀無復栖者

蛇菌

湖南百姓郊外得一菌甚大獻於府主有僧曰此物至毒慎勿入口乃於所獲之處掘之有蟄蛇千餘條

假對

張傑滑稽能爲假對常與三人鼎足坐吟曰三人鐺脚坐一夜挑頭吟又曰阜角樹頭懸拍板葫蘆架上釣茶槌嘗取怒武弁傑曰大夫旣欲行拳小子不任憂愴

吹笙喚風

有輕薄子令樂工吹笙曰不須度曲要汝喚風耳

去天一握

興元中南有路通巴州其峭崿頂謂之孤雲兩角諺曰孤雲兩

角去天一握

鴈奴

鴈宿於江湖沙渚中動計千百大者居中令鴈奴圍而警採捕者

陳淑詩

陳淑與僧詩曰行若獨輪車常畏大道覆止若圓底器常恐他物觸行止既如此安得不離俗

類說卷第四十六上

類說卷第四十六下

玉壺清話

冷齋夜話

文酒清話

漁樵閑話

玉壺清話

杭僧文瑩

上問呂溱安否

熙寧初呂溱尹京上殿府推官周約隨後上忽問呂曰卿体中安否對曰無事湏臾又問卿果無恙否曰臣不敢強時呂公神采無少虧將退又問約曰卿見呂溱如何對曰以臣觀溱似亦無事呂出殿門深疑之整巾拂面索鏡自照問周曰公果見溱

如何曰龍圖無自疑容采安靜後數日果感疾不起以此知聖明非凡見可及也

星名周伯

景德二年有巨星見於天氏之西光芒如金凡無有識者春官正周克明言按天文錄荊州占其星名周伯語曰其色金皇其光煌_也所見之國太平而昌又按元命色又曰德星時澶淵凱旋六合平定宜此星之見

李見中詩

李見中能書草隸爲詩清淡如其人有杭州望湖樓詩云小艇閑撐處湘天景亦微春波無限綠白鳥自由飛落日孤燈遠輕烟古寺稀時携一壺酒到戀晚涼歸西湖詩云漲煙春氣重貯月夜痕深每喜誦楞嚴經四句云將聞持佛_也何不自聞_也聞復翳根除塵銷覺圓淨凡起居皆詠之

謝靈運託生爲邊鎬

江南邊鎬初生其父忽夢謝靈運持刺來謁自稱前永嘉守脩髯秀采骨清神竦所披衣巾輕若煙霧曰欲託君爲父子頃寄浙西飛來峰翻譯金剛經有未合佛旨處願坐君家刊正慎勿以葷敗我七歲放我出家爲僧以畢前經夢訖鎬生兒類夢中者

父愛之小字康樂成童聰敏堅求出家其父不允以葷迫之及冠強爲娶妻後嗣主愛其博雅累用之而柔懦寡斷好釋氏初從君平建州唯務全活人號邊羅漢及克相覃人號邊菩薩及帥潭政出多門絕無威楚人失望人號邊和尚

選純孝三字談經

真宗喜談經一日命馮元談易曰朕欲選純孝之士三人使橫經並坐暇則薦名果盡談論裴頂帽削去進說之義元薦查道李虛已李行簡三人真宗立召俾陪侍喜曰朕得朋友

范杲進詩

太宗收拜凱旋范杲爲縣令進詩有千里版圖來浙右一聲金鼓下河東之句

西齋潤筆

李翰於和疑榜及第後與座主同任學士疑作相翰爲承旨適當批詔次日於玉當輒開和相舊閣悉取圖書器玩留詩云座主登庸婦鳳閣門生批詔主鰲頭玉堂舊閣多珍玩可作西齋潤筆盃

五子登科

竇與鈞生五子儀儼偁僖等相繼登科馮瀛王贈禹鈞詩云

靈椿一樹老丹桂五枝芳

房相蒼頭

石熙載少時於嵩陽道中遇一叟曰真太平宰相也吾幼為唐相房玄齡檢書蒼頭公酷似房公仍囑曰善事真主語訖即滅後為太守掌書記踐祚七年拜平章事

城隍督修夷陵縣宇

寶元初朱正基知峽州一夕夢一吏云城隍神遣某督修夷陵縣廨宇不宜後時連三夕夢之明白報歐陽永叔謫夷陵令朱感其夢待之特異歐公益事謙謹每稟白必歛板於庭朱俟入門先降階接之

楊大年作詩預宴

楊大年二十一為光祿丞三月後苑曲宴公不得預以詩贈館職曰聞戴宮花滿髮紅上林絲管侍重暉蓬萊咫尺無因到始信仙凡迥不同上聞之即日直集賢院令預晚宴

懷玉山人

楊大年祖文逸仕後唐玉山令有道士來謁稱懷玉山人斯須不見大年遂生後年三十七為學士晝寢玉堂夢道士稱懷玉山人袖出一牒寫三十七字大年驚曰得非數乎道士微笑又

曰可添乎道士命筆止添一點為四十九至其數果卒

同甲同休戚

李濬與李宗諤同宗同甲後一日而生日休戚一同宗諤死濬後一日卒

保守門閤

真宗謂李宗諤曰國朝將相之家世緒不墜相惟昉將惟曹彬目聞卿家尤更雍穆有法朕繼二聖基業亦如卿家保守門閤

泗水發願文

李宗諤奏汴渠流屍弊河而下暴露灘渚上惻然御製泗水發

願文勅勒石於淮亭歲給錢百緡修齋醮各七日官給錢收瘞御製略云嗟乎灘漬之上競食者鳥鳧渚之間爭食者魚鰲汝等孽非他造殃盡自殆任宦者恃勢以凌民為民者欺心而冒法仗茲完滌各遂超騰悟諸佛本空之原体太上真虛之理

王禹偁詩表

王禹偁嘗作三黜賦以見志後知制誥忤時相出知黃州蘇易簡榜下放孫何等進士三百餘人奏曰禹偁禁林宿儒累為迂客臣欲令榜下諸生送于郊奏可之禹偁作詩謝曰綴行相送我何榮老鶴乘軒媿谷嬰三人承明不知奉看人門下放諸生

時看親循時好惡不敢私近獨竇元賓執手泣於閣門曰天乎
得非命耶公後以詩謝曰惟有南宮竇員外爲余垂泣閣門前
至郡未幾二虎闌於境一死群雞夜鳴冬雷而電司天奏守上
者當其咎即命徒斬上表曰宣室鬼神之間不望生還茂陵封
禪之文止期身後閱月而卒太宗嘗戒曰卿聰明文章不下韓
柳但剛不容物人多沮卿使朕唯詫

李韓書詞

李穀與韓熙載早同筆硯分携約日各以才命選其主廣順中
仕周爲平章事熙載仕江南李先生爲光政殿學士熙載貽穀
書曰江南果相我長駟以定中原穀荅曰中原苟相我下江南
如採囊中物耳後果作相親征江南而熙載已卒

逞藝傷生

仁宗讀五代史周太祖臨水引弓射兩鳧一發疊貫從臣稱賀
一掩卷曰逞藝傷生非朕所喜也內臣鄭昭信掌內養十五年
嘗戒曰動活之物不得擅烹深惡於殺也

御屏書揚微之十聯

揚微之太宗聞其詩名盡索所著選集中十聯書於御屏

茂直免死

張茂直少買爪於圃翁倚鋤晚日子非久當斷胫下刃之際稍速則死稍緩則生果獲免必享富貴無何慕容彥起據充例駢守埤周師破敵擁城者例斬至茂直挾刃者曰汝髮甚修髻惜為頸血所汙可先斷之茂直徐理髮得免後為知制誥

鄆都觀主

王顯少為太宗給侍赤脚道者相曰此兒必為將相但為陰德耳及長太宗曰尔非儒家合寡學問它日富貴不免面牆取軍戒三篇令誦之咸平日出帥定州便宜從事忽道士通謂自稱鄆都觀主笑則口角至耳亂髮若剛鬣謂曰昨日上帝牒番鬼二萬至本觀死於公手果公殺之則功冠於世然減筭十年二端請裁之顯謂風狂叱起後數日契丹引數萬騎獵于威勝軍境顯引兵襲擊大破之斬二萬級露布至闕召為樞相教程而卒

君臣隆替有限

劉昌言太宗時為起居郎善押闔以迎主意未幾以諫議知密院君臣之會隆替有限一旦上眷忽解曰劉某奏對皆操南音朕理會一字不得

賜錢償逋

李文靖公沆初制誥 太宗知其貧多負人息錢曰沆為一制
誥俸入幾何豈暇償逋耶特賜錢百萬令償之後為相當太平
無一事凡封章建議更張息屏之謂所親曰無以報國用安黎
庶耳

冰壺先生

太宗命蘇易簡講文中子有楊素遺子食經羨慕含糗之說上
因問食品何物最珍對曰物無定味適口者珍臣止知菘汁為
美臣憶一夕寒甚擁爐痛飲夜半物槩中庭月明殘雪中覆一
菘蓋連咀數根臣此時自謂上界仙厨鳶脯鷺脂殆恐不及屢
欲作冰壺先生傳紀其事因循未暇也上笑而然之

治齒烏髭歌

張師正年五十齒已踈搖後十餘年巨齧大敵利若刀截嘗得
藥方叙曰元亨在天聖中登嶽頂至明星館故基下得斷碑髻
髻有古文乃治口齒烏髭藥歌一首曰猪牙阜角及生姜西園
升麻蜀地黃木律旱蓮槐角子細辛荷蒂剪荷葉心子也要相當青鹽
等分同燒煨細研將來時最良搭齒牢牙髭髻黑黑誰知世上
有仙方

治殺生獄

邵倅閔蔚宗綾板印觀音像王元澤待制撰文云都官鞏彥輔
夢兩緋衣召入大府有紫衣當案者此王也庶下以沙盆剔囚
目研之餘斷腕截耳不可數有頃一官至呵鞏彥解衣鞏自陳
有官無罪官怒曰此治殺生獄豈問官耶鞏窘呼觀音名號囚
者皆和而踐者完繫者釋鞏乃蘇

曾太尉知人

曾居潤太尉不識字每按牘以左手投巨筆畫一長畫雖狹吏
善詐摹之必敗沈倫在幕府常曰沈推官行步端重如履廟堂
必爲宰相力薦於太祖後果作相恨曾不知書其子孫皆召於
家庭建孝教如已子以報其知人之德也

太祖討蜀

太祖採聰明遠有自蜀來者問曰劍外有何事對曰但聞城郭
皆誦苦詩曰煩暑鬱無處避涼風清冷幾時來上曰蜀民思吾
之來也特已下荆楚孟昶有唇亡齒寒之惧而西討無名昶遣
蠟丸問道往太原結劉約爲援爲朝廷所獲太祖曰興師有名
矣命王全斌討之昶昶赴闕大將王瞻光婦乞見恐其惡暴露
歷數全斌等貪財瀆貨太祖笑曰納李廷珪妓擅開豐德庫取
金寶此人誰耶仁賂惶怖上曰此行清介畏慎止曹斌一人耳

臺臣請深治征蜀諸將上盡釋之

花項漢爲天子

魏人柴翁有女在唐壯宗掖庭明宗入洛遣出宮父母迎之奩具計直十萬半分與父母令婦曰兒郵舍隊長黝色花項雀形者極貴人也願事之父母不能奪問之乃郭威也一日謂郭曰君貴不可言妾有貲五百萬願奉君以發其身周祖因其貲得爲軍司柴翁司冥問事一日忽大笑妻問之但笑不止因飲以酒極醉乃曰花項漢將爲天子

水銀口知製誥

夏侯嘉正 太宗時爲正言直館喜丹竈嘗曰使我得水銀銀半兩知制誥一日平生足矣二願俱不遂而卒射覆丁文果善射覆 太宗置一物器仲文果曰蘆口華口山中採花雖無官職一日兩衙啓之乃蜂也又取一物令射又果曰有頭有足不石即玉欲要縮頭不能入腹乃厭書石龜

四夷來王賦

錢熙泉人進四夷來王賦太宗擢爲館職有司請試上曰試官前進士趙集親自選中

元厚之詩

元厚之文詞老而不衰懷荆南舊遊云去年曾醉海棠叢聞說
新枝發舊紅昨夜夢回花下飲不知身在玉堂中

曾魯公帖

曾魯公年垂八十筆力尚壯曾子宣謫守番陽手簡云扶搖方
遠六月不息消長以道七日自當來覆

陳希夷戒种放

陳搏隱華山幼時戲濫水一青衣媪抱置懷中乳之曰今汝更
無嗜欲聰悟過人先生嘗戒門种放日子也日遭逢明主名動
天闕名者古今美器造物者深忌之天地間無完名子將有物
敗之放晚節侈飾過度營座滿雍鎬間遂喪清節

党進悼書袋

党進不識一字朝廷遣防秋於高陽朝辭日須欲致詞問門太
尉邊臣不須如此進惟強恨堅欲致之進挹笏前跪移時不能
道一字忽仰面瞻天表厲声曰朕聞上古其風朴畧願官家好
將息仗衛掩口後左右問曰太尉何故念此兩句進曰我常見
措大愛悼書袋我亦悼兩句要得官家知我讀書

父爲所由

凌策侍郎其父曾爲鎮所由策方成童父携拜安鴻漸乞立一

名鴻漸滑稽輕薄因命名曰教之蓋所言由生也策後長立頗
銜之

唐酒價

真宗嘗問近臣唐酒價幾何無能對者丁晉公曰每升三十曰
何以知之曰杜甫詩云速宜相就飲一斗恰有三百青銅錢是
知一升三十也

秦按中名次公者

梁通隨判院盧南金上殿秦按中有名次公者 仁宗問因何
名次公南金以明法不能適曰漢黃霸字次公上曰卿是何人

曰詳議官梁適又問那箇梁家曰祖顥父固俱中甲科上曰恠
卿面貌酷似梁固它日適奏曰臣父祖顥事宗大真宗不知
陛下何以知之上曰天章閣有名臣頭子朕觀之甚熟適後除
記注知制誥至翰林李士除目皆出御批不十年至台輔筆談
載次公事乃龐莊敏

落地紫薇棟停殿院

張去華甲科直館越職上言知制誥張澹盧多遜殿院師頑詞
學荒淺願校優劣太祖立召澹輩臨軒重試委陶穀考較上選
多遜入格餘茲黜之時諺謂澹為落第紫薇頑為棟停殿院去

華除右補闕士論短之後十六年不遷返不逮乎進者談苑亦載

邵父陳母

邵暉知廣州鑿內河以泊舟楫不為颶風所害陳世卿代之奏乞免本州計口買鹽之害三羊之民如有衣食廣人歌曰邵父陳母除我二苦

夢六印懸劍鋒

張華崖鎮益屢乞代王文正奏除凌策少嘗夢人以六印懸劍鋒以授之後在劍外凡六任

太宗問蟬字

凌策辟楊蟬為益倅奏名上太宗不識蟬字詔問立名之因奏曰先臣命之不知其由先蚡弟蛭盡縱虫今已孤不敢輒更上曰蟬有何義曰臣聞出羽陵蠹書曰白黑蟲也上曰古人名子以山川日月隱疾尚恐稱乎有妨今以細碎微類利名其子何謂也御筆特去虫止賜名覃

胡旦取珍器貸金

胡旦大監出知明州同年董嚴給事知揚州延留甚歡入後館出姬侍宴豆皆上方珍器旦曰人生會合難得來日能往駕

散舟數枉可乎又曰珍器家貧未識可略假夸示妻孥董以巨
奩盡貯送舟中明日五鼓不告而行至餘杭薛映大諫亦榜下
生也首問過維陽見董同年否且曰望之材器英邁奇男子也
也然止似性貪一日且謂映曰貸二千緡創鑑湖別墅郭麾統
罷便當謝病扁舟釣於越溪薛不得已贈白金三百星後知制
誥王繼恩平蜀以銀數千兩賂但託為褒詔事敗但貶潯州

養民寡欲

王昭素李行高世鰥居絕欲四十年顏如渥丹太宗召至便殿
賜坐講乾卦至凡五飛龍在天整巾稽顙改容而說曰此文王
陛下今日之事留禁中月餘上詢治世養身之術昭素曰治世
莫若養民養身莫若寡欲上書其語于御屏

西河急奏

慶曆中王師失律於西河數大將陷虜急奏至已旬日太臣固
緩之上因御化成殿老卒擁筵歎曰可惜劉太尉上怪問之對
曰官家豈不知劉太尉與五六大將一時殺了即解衣帶書進
呈曰臣之營州西虎翼一營盡拆臣胥亦沒此書家人急報也
上召執政視之大臣始奏得報未審候旦夕得其詳方奏乞寬
聖慮上厲聲曰事急如此猶言乞寬聖慮卿忍人也宰相因

乞骸骨

太祖誅譖者

開寶中或奏太祖曰晉王天日姿表恐物情附之爲京兆尹肆
意不戢吏縱法以結豪俊陛下當圖之上怒曰朕與晉弟雍睦
起國和孝相保它日欲令管勾天下公事小人敢離我手足亟
令誅之

高陽關奏

太宗嗣位高陽關奏妖氣夜起橫亘北陸邊情頗搖上召向敏
中議之向奏曰崔翰領節高陽恃功恣橫陛下宜召還誅之以
厭妖氣上曰是何言歟翰以其能拔於行五遂建節旄料渠不
肯辜朕也上遣一詞臣宣撫慰勞而已妖祲自消邊心亦寧

陶穀驚膠曲

國初朝廷遣陶穀使江南以假書爲名實使覘之丞相李穀以
書抵韓熙載云五柳公驕甚其善待之穀至果如李所言熙載
曰陶秀實非端介者其守可隳固令宿留俟寫六朝書畢館泊
半年熙載遣歌兒秦弱蘭詐爲驛卒之女弊衣竹釵擁帚洒掃
穀見之兒喜遂狎慎獨之戒作小闋贈之後數日李主宴于清
心堂命玻璃巨鍾滿酌之穀毅然不顧出蘭於席歌前闋以侑

之穀大慚倒載吐茵尚未許罷後大為主李所薄逮歸京師薦膠之曲已喧因是卒不大用

冷齋夜話

易古詩

温公曰魏野詩云燒葉爐中無宿火讀書窓下有殘燈俗人易葉為藥魯直曰老杜詩云黃獨無苗山雪盛黃獨者芋魁小人耳俗人易為黃精如淵明詩悠然見南山俗人易曰望南山

二禽名

退之詩云喚起窓全曙催歸日未西魯直云二禽名也催歸子

規也喚起聲如給絲圓轉清亮偏於春曉鳴江南謂之春喚

橫陳

王荆公詩曰紅梨無葉比華身黃菊分香委路塵歲晚蒼官繞自保日高青女尚橫陳又曰木落岡巒因自獻水滸洲渚得橫陳山谷曰自獻陳橫事見相如賦楞嚴經亦曰於橫陳時味如嚼蠟

奪胎喚骨法

黃魯直云詩意無窮人才有限以有限之才追無窮之意雖少陵淵明不得工也然不易其意而造其語謂之換骨法規模其

意形容謂之奪胎法如鄭谷十日菊曰自緣今日人心別未必
秋香一夜衰此意甚佳病在氣不長曾子固曰詩當使人一覽
語盡而意有餘荆公菊詩云千花百世凋零後始見閒人把一
枝東坡則曰萬事到頭都是夢休休明日黃花蝶也愁又如李
白詩曰鳥飛不尽暮天碧又曰青天尺處沒孤鴻然其病如前
所論山谷詩云不知眼界闊多少白鳥去盡青天迴凡此之類
皆換骨法也顧况詩云一別二十年人堪幾回別荆公云一日
君家把酒杯六年波浪與塵埃不知烏石江邊路到老相尋得
幾回樂天詩云臨風抄秋樹對酒長年身醉貌如霜葉雖紅不
是春東坡云兒童喜悟朱顏在一笑那知是酒紅凡此之類皆
奪胎法也

李格非論文

李格非曰諸葛孔明出師表李令伯陳情表陶淵明歸去來引
皆沛然如肝肺中流出殊不見斧鑿痕是知文章以氣為主氣
以誠為主老杜詩過人在誠實耳如玉川子詩曰昨夜村飲歸
健例三四五摩挲青莓苔嗔驚著汝荆公用其意作扇詩云玉
斧修成寶月團月邊仍有女乘鸞青冥風露非人世鬢亂釵橫
特地寒

小兒擊甕圖

司馬溫公童稚時與群兒戲於庭有一甕一兒登之足跌沒水中群兒奔去公以石擊甕水因穴迸而出兒得不死活人手段見於韶齣中至今京洛間多為小兒擊甕圖

秀關西語

法雲秀關西謂黃魯直曰公作艷歌小詞可罷之魯直曰空中語耳非殺非偷不至坐此墮惡道耶師曰君以邪言蕩人搖心使逾禮越禁其罪止墮惡道而已魯直自此不作詞曲李伯特善畫馬師曰伯特為士大夫而已畫行已可耻又作馬伯特志曰無乃陽人心墮惡道乎師曰公業此日久思其情狀求為神駿繫念不忘一日眼光落地必入馬胎無胎疑伯特愕然曰何以洗其過師觀畫觀世音

象外句

唐僧多佳句比物以意而不指言一物謂之象外句如無可詩云聽雨寒更盡開門落葉深是落葉比雨聲也又曰微陽下喬木遠燒入秋山是以微陽比燒也妙在言其用而不言其名耳

滿城風雨近重陽

潘大臨工詩貧甚謝無逸以書問有新作否荅曰秋來景物件

七是佳句恨為俗氣蔽翳昨日得句云滿城風雨近重陽忽催
租人至遂敗興止此一句奉寄聞者笑其迂闊

十四字師號

道潜有句云隔林彷彿聞機杼知有人家在翠微東坡曰此吾
師十四字師號

竹詩

西湖僧順怡嘗作竹詩曰城中寸地如寸金幽軒種竹只十箇
春風慎勿長兒孫穿我階前綠苔破又有林下詩云久從林下
遊頗識林下趣從渠綠陰繁不礙清風度閒來石上眠落葉不
知數一鳥忽飛來啼破幽寂處

崑體

詩到李義山謂之文章一厄以其用事僻澁時號崑體荆公晚年
亦或喜之如雪詩云借問火城將策探何如雲屋聽窓知

持棊謎

荆公在鐘山因奕棊作數語曰彼亦不敢先此亦不敢先惟其
不敢先是以無所爭惟其無所爭故能入於不死不生公笑曰
此持棊隱語也

沒浩蕩

老杜詩曰白鷗沒浩蕩令悞作波荆公曰道人山北來問松東
崗舉手指屋春云今如許長今悞作問松栽東崗與波浩蕩當
併按也

張天覺草書

張丞相好草書而不工一日得詩索筆疾書滿紙使其姪錄之當
奇險處姪罔然而止執所書問曰此何字丞相熟視詎曰胡不
早來問致吾忘之

東坡詩

東坡作海棠詩曰只恐夜深花睡去更燒銀燭照紅妝事見楊
妃外傳曰妃子卯酒未醒明皇笑曰是豈妃子醉耶海棠睡未
及耳作尾童詩曰應將白練作春衣事見則天詔應天下尼用
白練爲衣作橄欖詩曰已輸崖蜜十分甜是見魁谷子曰照夜
清螢也一日花醴蜜也崖蜜櫻桃也

太祖遠畧

神宗皇帝一日行後苑見牧豎純者問何所用對曰自祖宗以
來畜之不知果安用上沉思久之語付有司禁中自今不得
復畜數月衛士忽獲妖人急欲血澆之禁中卒不能致

神宗方悟

太宗遠畧亦及此

丁晉公詩

丁晉公海外詩云草解忘憂底事花名含笑何人世以爲工東坡云花飛識面常含笑鳥不知名特自呼便覺才力相去遠矣

崔微頭子詞

秦少游有詞云落紅萬點愁如海覺範職崔微頭子用少游韻曰半身屏外睡覺唇紅退春思亂芳心碎空餘簪髻玉不見流蘇帶試與問今人秀韻誰宜對湘浦曾同會手拈輕羅蓋疑是夢今猶在十分春芳盡一點情難改多少事都隨恨遠連雲海

薦福寺碑

范文正守饒州有書生甚貧時盛行歐陽率更書薦福寺墨本直千錢爲具紙墨打千本使售于京師紙墨已具一夕雷擊碎其碑將語曰有客打碑來薦福無人騎鶴上揚州東坡旁措大詩曰一夕雷轟薦福碑韓魏公客有郭汪者行年五十未有室家公以侍兒賜之未及門而注死

謝無逸詩

謝逸字無逸有詩曰貪夫蟻旋磨冷官魚上竿又曰山寒石髮瘦水范溪毛凋

荆公詩

荆公女吳安持之妻工詩嘗寄荆公詩曰西風不入小窓紗秋
氣應憐我憶家極目江山千里恨依然和淚看黃花公和曰青
燈一點映窓紗好讀楞嚴莫念家能了諸緣如幻事世間唯有
妙蓮花

荀名稚子

老杜詩曰竹根稚子無人見唐人食荀詩云稚子晚錦綳餅頭
玉香滑則稚子爲荀明矣贊寧雜記曰竹根青鼠大如猫色類
竹色竹豚一名稚子

老杜北征詩曰不聞夏商中襄自誅褒姒意着明皇鑒夏商之
敗農夫悔過賜妃子死也劉禹錫馬嵬詩曰官軍誅佞幸天子
捨天姬群吏伏門屏貴人牽帝衣白樂天長恨歌曰六軍不發
無奈何宛轉蛾眉馬前死乃是官軍迫使殺妃子歌詠祿山叛
逆耳其去老杜何翅九牛毛

長主挽詩

神宗作秦國大長公主挽詞曰海闊三山路香輪定不歸帳深
空翡翠佩冷失珠璣明月留歌扇殘霞散舞衣都門車馬返宿
草自春菲又曰曉發城西道靈車望更遙春風留魯館明月斷
秦簫塵入羅衣暗香隨玉篆消芳魂飛北渚那復可爲招又曰

慶自天源發，恩從國愛申。歌鐘雖在館，桃李不成春。水折空還
必，樓高亦隔秦。區區會稽市，無復珠人。

四家詩

王荆公以李太白杜子美韓退之歐陽永叔詩編為四家集，以
歐公居太白之上。公曰：太白詞語迅快，然十句九句言酒耳。

漁網石上詩

嘉祐河濱，漁網得一石上，刻詩曰：兩滴空罅，曉無心換夕香。井
桐花落盡，一半在銀床。銀床井欄也，不知誰作。

墨梅

衡州花光仁老以墨為梅花，黃魯直觀之曰：如嫩寒春曉，行孤
山水邊，籬落間，但欠香耳。

吳城龍女

黃魯直登荊州亭柱間有詞曰：簾捲曲欄，獨倚山展。暮天無際，
淚眼不曾晴。家在吳頭楚尾，數點雪花亂委。撲鹿沙鷗驚起，詩
句玉成時。沒入蒼煙叢裏。魯直悽然曰：似為予發也。不知何人
所作，筆勢類女子。又有淚眼不曾晴之句，疑其鬼也。是夕有女
子見夢於魯直，曰：我家豫章吳城山，附客舟至此，墮水死，不得
歸。登江亭有感而作，不意公能識之。魯直驚寤曰：此必吳城小

龍女輦也

牡丹偈

太祖將問罪江南李後主欲拒王師法眼禪師觀大內牡丹作
偈諷之曰擁毳對芳叢由來趣不同髮從今日白花是去年紅
艷曳隨朝露馨香逐曉風何須待零落然後始知空後生主不省
師乃渡江

白樂天詩

白樂天每作詩令一老嫗解之問曰解否嫗曰解則錄之不解
則又易之故唐末之詩近於鄙俚

東坡詞

東坡與沙游飲別作虞美人曰波聲拍枕長淮曉隙月窺人小
無情汴水自東流只載一船離恨向西州竹影花圃曾同醉酒
未多於淚誰教風鑿在塵埃醞造一場煩惱送人來世傳此詞
賀方回作非也乃東坡作

華亭船子和尚偈

華亭船子和尚有偈曰千尺絲綸直下垂一波絲動萬波隨夜
靜水寒魚不餌滿舡空載月明歸黃魯直歌成長短句曰一波
絲動萬波隨乘笠一鈎絲金鱗正在深處千尺也須垂吞又吐

信還疑上鈎遲水寒江靜滿目青山載月明婦

老杜詩

老杜詩曰天子呼來不上船方言也乃襟紐是已家養爲鬼川陝路民多供是爲壘鬼俗人不解便作養畜字沈存中遂羗烏鬼爲鷓鴣夜闌更秉燭更五秉燭照恐尚是夢作去聲讀則失其意

李元膺詞

李元膺喪妻作長短句曰去年相逢深院宇海棠下曾歌金縷歌罷花如雨翠羅上照紅無數今歲重尋携手處物是非春

暮回首青門路亂紅飛絮相逐東風去元膺尋亦卒

石曼卿墜馬

石曼卿善戲謔嘗出馭者失鞍馬驚曼卿墜地從史遽扶掖鞍曼卿徐曰賴我石季士也若瓦季士則不破碎乎

道人肝臟饅頭

覺璉禪師能詩歐公曰此道人作肝臟饅頭也或問其故荅曰是中無一點菜氣仁宗留淨因禪院作偈曰堯仁况是如天濶乞與孤雲自在飛乃其詩也

坡谷秦三公詩

秦少游誦雷州詩曰南土四時都熱愁人日夜俱長安得此身
如石一特忘了家鄉黃魯直謫宜州詩曰老色日上面歡情日
去心今既不如昔後當不如今輕紗一幅中短簟六尺床無容
日自靜有風終夕涼少游鍾情故詩楚魯直李道故詩閒暇至
東坡則云平生萬事足所欠唯死矣特邁往之氣可畏而抑哉

文酒清話

惠花酒詩

張齊賢丞相答西京留守惠花酒詩曰有酒無花心亦倦有花
無酒眼慵開好是西園無事日洛中花酒一齊來

竊詩

魏周輔有詩上陳亞犯古人一聯亞不為禮周輔復上一絕曰
無所用心唯飽食爭如窓下作新詞文章大抵多相化剛被人
言愛竊詩亞次韻者曰音賢自是堪加罪非敢言君愛竊詩耐
耐古人無意預先偷了一聯詩

陳亞及第

陳亞幼孤育於舅家舅為醫人呼作衙推亞登第人皆賀其舅
亞有詩云張公吃酒李公醉自古人言信有之陳亞今年新及
第滿城人賀李衙推

平似秤明似鏡

雙漸爲孟州簽判同僚或稱其縣長官平似秤明似鏡漸曰却
被押司走上廳打破鏡踏折秤

孫山得解

孫山未綴得解有同試者記山探得失山曰解名盡處是孫山
吾人更在孫山外山後以思榜成名作詩云盤占榜中同進士
伏羲手^裏探花郎又云幸賴聖恩收拾了這回含笑入黃泉

講易

或平邑大夫召黃州先生講易至睽卦至上九見豕負途載鬼
一車曰陰下有載上之義鬼即積陰也孫山曰載鬼一車乃言
羅大王般家也一日噬嗑卦至雷電合而章先生曰先一箇電
後一聲雷所以相合山曰某且歸先生問何爲山曰惡天色也
一日講論語季氏旅於泰山泰山爲五岳之尊山曰泰山旣爲
五岳之尊龜王合是一家之王

嘲任穀詩

任穀邀名伊洛山水望蒲輪而不至潛至京師訪問知友有朝
士朝曰雲林應訝鶴書遲自入京來探事宜從此見山湏合眼
被山相賺已多時

教坊進口號

唐昭宗時事勢爲朱全忠所持一日開宴教坊伶人前進口號
伏惟令公官中最貴五百年內間生一伶人從旁曰賴是五百
年間生若一年生一箇教朝廷怎作奈何

羊靈二詩

書生王勉吟羊詩云頭上兩條皂角額下一撮髭鬚不知是何
方聖者骨髓裏行撒數珠又作靈詩云天上燒下豆稽灰烏李
須教做白梅道士變成銀鬘粟師姑化作玉茶槌

皮婦相嘲

皮日休謁婦仁紹託故不出日休假其姓爲詩嘲曰硬骨頑形
知幾秋臭骸知是不風流及至死後鑽令遍祗爲當初不出頭
仁紹復嘲曰幾片尖裁切作毬火中燻了水中揉一包閑氣知
常在惹踢招拳卒未休

臘月養蚕

河北一主簿見邑宰曰有一大利便是百姓五月收麥養蚕一
併勞苦欲令臘月中養蚕宰曰是則是矣但恐臘月無桑簿曰
依惟安知

陳亞詩

有僧歲旱市中求雨陳五作藥名詩贈云無雨若還經半夏和
師變作葫蘆巴壽州有娼魁肥五問尔何處人曰本是泥上人
五笑曰我煇作是泥下人五自爲名贊云有口如啞無心作惡
中心本無一物外面許多稜角有僕黃與外厨煮料置猪蹄其
中小婢如僧竊食之典訟於公曰此正合古作云知僧清早
厨邊過偷却黃與料裏蹄

賀四廂太保啓

李源作四廂太保賀啓云伏惟太保絕離五都之中便轉四廂
之職紫袍萃地牙笏當首手持金骨之象身坐銀校之椅舊時
龍馬只是一箇如今喝道約勾十人據此威風下稍須爲太尉
亦宜念舊第一莫打長行

觀君風采必甚高

有貴人性強嘗與屬吏對棋曰觀君風采必不甚高請坐面廂
便使墨子下子高聲唱喏殺着不能作

送客詩

高敖曹送客詩云相送復相送至橋頭培塿兩眼淚拍塞一懷愁

假蝗蟲

賈黃中爲相盧多遜作參一日付畿有虫蝻盧曰某間所有乃

假蝗虫賈曰亦聞不傷稼但蘆損多耳

宣水

石叅政在中書堂一相曰取宣水來石曰何也曰宣微院水耳
冷石公曰若司農寺水當呼爲農水也

亂寫試卷

孔登非儒者治平中來京師應舉耻拖白乃亂寫試卷上云三
日雷声五日電光十日雨下大山不厭微塵大海不論杓子杓
人好取奉我也好隨順屋上好饑馬谷曰屎尿兩邊播竿頭上
好開與庫谷曰高噪莫不來不得恰待恣聞又寫伊州一本後
云此去十萬八千里又曰我道者是做也買取一兩草鞋長行
試院出榜名捕登竄婦

孔門上哲

楊球上陳亞大卿啓云伏惟某官詩礼名家孔門上哲公戲谷
曰蒙君遺長牋語忌如何說請看身上衣視中本無蝎又咍人
面黑詩曰笑似烏梅裂啼如跛汁流眉間粘貼子已上是撲頭

對屬

有郡丞席上作對屬云酒熟不須陽醖湯一妓對曰廳涼無用
扇車扇

末厥

歐公婦曰錄云尖簷帽子卑凡斲短柳鞋兒末厥兵公云不知
莫厥何謂也嘗見老儒云夫簷帽子蹺蹊撮淺面麻鞋列缺茶
二說故兩存之

二書生賦詩

河朔書生與洛陽書生同飲賦詩河朔生日昔年曾向洛陽東年
只是看花紅今年不見花枝面花在舊時紅處紅河朔生日
昔年曾向北京北年只是有蘿蔔今年不見蘿蔔面羅在舊
時葡萄處葡萄

漁樵閑話

李忠化虎

劍州男子李忠久病其子市藥婦父及頤而涎出其狀如虎子
走而出閉其室旋聞哮吼之聲穴壁視之乃真虎也

玉樹曲

唐末有宜春人王穀者以詩擅名嘗作玉樹曲其略云君臣猶
在醉鄉中一面已無陳日月嘗於市廛遭無賴輩歐擊穀大呼
曰尔輩莫無礼吾便是吟玉樹曲者無賴輩慚謝而退

隱娘教習擊刺之法

唐魏博大將聶鋒有女方十歲名隱娘忽爲乞丐尼竊去父母
不知所向日夜悲泣後五年尼送隱娘還曰教已成矣父母詢
其所李云尼携至一巖洞中與藥一粒服令持一劍殺習擊刺
之法一年後刺猿猴如飛刺虎豹如無初三年能飛騰以刺鷹
準四年携我都市中每指其人必數其過惡曰爲我取其首來
某應声而首已至矣即以藥之爲水後五年忽曰大僚某人罪
惡貫盈欺君罔民爲我取其首來首隱娘承命而往伏於大僚所
居梁上移時方特其者至尼大怒曰何太晚如是隱娘曰爲見
其人戲弄一兒可愛未欲下首尼叱之曰已後遇此輩先斬其
所愛然後決之汝術已成可歸遂還家

衡山老虎

長慶中有處士馬極在衡山精舍見老僧古貌龐眉借極僕持
錢往山下市鹽酪俄亦不知老僧所向山人馬紹繼至云路途一
虎食一僕食訖即脫班衣而衣禪衲熟視乃老僧也有頃僧歸
口吻尚有餘血二人駭懼然爲之計詰僧云寺井有恠物僧往
窺井二人併力推入井中以巨石壓之急下山已日暮見數十
人或僧道或男女皆大怒曰二賊殺我禪師今已進捕二人詰
獵者曰彼衆人何也獵者曰此俵鬼也昔爲虎食之人旣已鬼

矣遂為虎之後二人乃厲聲叱鬼曰汝輩真下鬼也生既為虎之食又為虎之後今幸其斃又從而號哭邪一鬼答曰某為虎食固當刻心以報寃然終不知所謂禪師者乃虎也

類說卷第四十六下

類說卷第四十七上

古今詩話

歐公詩話

溫公詩話

劉貢父詩話

古今詩話

杜詩愈疾

有病瘡者杜子美曰誦吾詩可治乃令誦夜闌更秉燭相對如夢寐瘡如初又令誦手提髑髏血模胡疾果頓愈

詩泣鬼神

賀知章見李白烏棲曲曰此詩可泣鬼神矣

明皇題詩

薛令之開元中為庶子時公僚清談令之為詩曰朝日見團團
照見先生中何所首著長闌干上幸東宮見之題其旁曰若嫌
松桂寒任遂來榆暖令之乃謝病

王貞白詩

王貞白寄鄭谷詩曰火鼠重燒布冰蚕獨墮絲直須天上手裁
作領中披

無聲詩

詩人以畫為無聲詩

春日得春衣

柳公權從駕上曰我有一喜事邊衣久不及時今年二月悉已
給散可作詩賀公權曰去歲雖無戰今年未得歸皇恩何以報
春日得春衣

探驪獲珠

元稹劉禹錫韋楚客同會樂天舍各賦金陵懷古劉詩先成白
曰四人探驪子先獲珠所餘鱗角何用三公乃遂罷作

詩瓢

唐求喜吟詠撚藁為丸貯以大瓢臨死投瓢於江中曰苟不沉
汲得之者方知吾苦心耳流至新渠有識者曰此唐山人詩瓢

取得之其詩遂傳題隱居云數點石泉雨一溪霜葉風兼樂在有
山處道成無事中

戀鏡湖春色

元稹廉慶問浙東喜官妓刘採春稹嘗有詩云因循婦未得不
是戀鱸魚人注之曰戀鏡湖春色耳謂刘採春也

鄭鷓鴣

鄭鷓鴣都官有鷓鴣詩時稱鄭鷓鴣

瑞錦窠

禮部郎中掌省中文翰謂之瑞窠

淮西碑帽子

柳子厚謂韓退之平淮西碑猶有帽子僕若爲之便說用兵伐
叛事又云左飡右粥何如我平淮西雅云仰俯父子

捉語意合處

唐詩僧善論詩尤善捉語意合處張水部一日得句云常因送
人處憶得別家時自謂古人未道僧曰亦有道者見他桃李樹
思憶故園春是也

樂天之宮

有商客通海值風抵一闕云是樂天之宮白聞賦遂詩云近有

人從海上迴海山深處見樓臺中有仙龕藏一室皆言此待樂
天來又云吾李空門不孝仙恐君此語是虛傳海山不是吾歸
慶婦即須歸梵天率

詩中虎

羅鄴牡丹詩云落盡春紅始見花
惺籠輕日護香霞買武池館
恐無他看到子孫能幾家人皆謂之詩中虎
宋之問天后朝求為北門李士不許乃作明河篇以見其意云明河可望不可親
願得乘槎一問津更將織女支杼機石還訪臨叩賣卜人
天后曰吾非知其才調但以其有口過耳之問有甚疾口臭故也
本事

詩已載

迷樓

隋煬帝時浙人項昇進新宮圖帝愛之令楊州依圖營建既成
幸之日使真仙遊此亦自當迷乃名迷樓

馬三花

韓幹閱畫馬圖并御馬皆有三花馬三花馬者剪髮為三辮也
樂天詩云舞衣裁四葉馬鬣剪三花

舉人試燒燭三條

唐制舉人試日既暮許燒燭三條常永詒試日先畢作詩云三

條燭盡鍾初動九轉丹成鼎未開日月漸低人擾也不知誰是
謫仙才

麴塵絲

楊巨源詩云江邊楊柳麴塵絲

鹽曲

交趾有黃帝鹽曲按唐譜有突厥鹽阿鵲鹽葑施肩吾詩云顛
狂楚客歌成雪媚賴吳娘笑是鹽

飲硯水

禮部試不給茶湯但飲硯水皆點其口吻

調脂弄粉塚壘死人

徐仲雅李九臯俱善詩徐詩富艷李多用事李謂徐曰公詩如
美女善調脂粉徐曰公乃鬻冥器者但塚壘死人耳

秋聲詩

徐鍇作秋聲詩井梧紛紛墮砌塞鴈遠橫空兩滴莓苔老風吹
薜荔紅

釣叟圖

世傳江南釣叟圖上有漁父詞二首有蠶綫一鈎輕之句

長年三老

山峽呼梢工篙手爲長年三老老杜詩云長年三老歌聲裏白
馬灘前高浪中

水鳥

鷓鴣膏水鳥也其膏塗兩劔不生綉古詩云馬啣首蒼葉劔
鷓鴣膏

打脊詩

盧延讓哭邊將詩曰自是碣砂發非干敲石傷牒多身上職益
大背邊瘡人謂是打脊詩

尔汝歌

孫皓爲普封婦命侯武帝問曰聞南人好作尔汝歌頗能否皓
舉觴歌曰昔與汝爲鄰今與汝爲臣勸汝一杯酒令汝壽萬春
帝悅之

第三厅

兵部李濤字社翁寄翰林求酒一絕云社翁今日沒心情爲之
治顰酒一餅惱亂玉堂將欲遍依稀得到第三厅

鍾山公

後唐李建勳出師臨川歸拜司空累表乞致仕自稱鍾山公詔
授司徒不起李士揚悅致狀賀之建勳答詩曰司空猶未詩那

敢作司徒幸有山公號如何不見呼先是宋齊丘退歸九華未
暮一微而起時論少之或以建勳北宋者因作詩曰桃花流水
須相信不李刘即去又來

賈至詠薛瑄英詩

元載納薛英爲姬處以金絲帳却塵褥衣以龍綃衣賈至詩曰
舞袂銖衣重笑疑桃臉開方知漢成帝虛築避風臺

何遜能詩

何遜八歲能詩沈約曰每讀卿詩一日三復不已故李義山詩
曰寄言何遜休聯句瘦盡東陽姓沈人

太白八月

李太白三擬詞選不如意悉焚之唯留恨別賦及祿山反製胡
無人云太白八月敵可摧及祿山死太白八月云

杜詩

楊大年不喜杜詩謂之村夫子嘗有鄉人以杜詩強大年曰公
試爲我續杜句乃舉江漢思歸客大年亦屬對鄉人徐曰乾坤
一腐儒大年默然歐公亦不甚愛杜詩而謂韓退之絕倫退之
於唐世文章未嘗屈下獨稱李杜不已歐公不悅子美所不可
曉則又愛賞李白將由太白騰躡飛動易爲感動歟

張文昌馬詩

張文昌樂府詞清麗深婉五言亦平淡可喜至七言詩則質多
文少謝馬詩云乍離華廐移蹄水初到貧家舉眼驚此馬乃一
遲鈍不行能而多驚者

詩動靜

古詩有風定花猶落之句王荆公以對鳥鳴山更幽上句靜中
有動下句動中有靜

院落深沉杏花雨

王荆公云梨花一枝春帶雨桃花亂落如紅雨珠簾暮捲西山

雨皆驚句也然終不若院落深沉杏花雨為優言盡而意不盡也

范希文詩

范希文贈釣者詩云江上往來人盡愛鱸魚美看君一葉舟出
沒風濤裏又觀杜詩一棹輕如葉傍觀亦損神他時在平地元
忽險中人

文喜宴賜詩

太宗好文每進士及第賜文喜宴御製詩遂為故事仁宗詩尤
多有云寒儒逢景運報國合如何

蝴蝶詩

謝李士蝴蝶詩云狂隨柳絮有時見舞入梨花無處尋

李氏宮中詩

歐公云詩源乎心貧富愁樂皆係其情江南李氏宮中詩曰簾日已高三丈透金爐次第添香獸紅錦地衣隨步皺佳人舞點金釵溜酒惡時拈花蕊嗅別殿微聞笙簫鼓奏與夫時挑野菜和根煮亂斫生柴帶葉燒異矣

丘濬詩

丘濬至山陽太守召飲濬詩曰醜却天下婦人面正得世間君子心
調元地養病坊

王隨入相而病甚尤好釋氏或朝日誰謂調元地番成養病坊
但見僧盈室寧如火燎房

魏野詩

魏野隱華山真宗屢召不起留題壁間遜去云洗硯魚吞水烹茶鶴避烟使還以詩對上曰野不來矣

三入翰林

劉子儀三入翰林詩曰蟠桃三竊成何味上盡鰲頭勢轉孤

江南曲

寇萊公少年時偶作江南春盡離腸斷蘋滿洲人未歸又云暮

江南一望時愁情不斷如春水意皆悽慘末年果南遷

江山留人

蘇子美久失意登蘇之閭門題云時光并已都如夢風物蕭已又
變秋家在鳳凰城闕下江山安用苦相留又書其傍曰江山留
人也

湘靈鼓瑟詩

錢起寓宿驛舍窗外有人詠曰曲終人不見江山數峯青及疑
試湘靈鼓瑟詩落句意久不屬遂以此一聯續之因中魁選

閩士詩賦

真宗朝試天德清明有閩士破題云天道如何仰之弥高會考
試亦閩人遂中選又荆南進士吟靈詩始用先落句云十二峯
前旋旋添

詩人用也字

詩人用也字本皆音夜杜云青袍也自公元稹云也向慈恩寺
裡遊今人讀如自非也

使契丹詩

刀約使契丹詩云押燕稜離畢看房賀跋及餞行三匹製密賜
十貔狸皆紀實也移離畢官名如中國執政官賀跋衣如執房

閤匹製小木罌以色綬木爲之如黃漆貌狸皆如鼠而大狄以爲珍膳

夜宴詩

施肩吾夜宴詩曲闌如畫買不眠玉爐夜起沉香烟青蛾一行十二仙欲笑不笑桃花然碧窓弄嬌梳洗晚戶外不知銀漢轉被郎嗔罰琉璃盞酒入四肢紅玉軟

四夷妙賦三酌酸文

錢熙太宗時進四夷來王賦權館職掌撰三酌酸文文略曰渭川疑碧早拋釣月之流商嶺排青不逐眼雲之客又年日落第

春風徒泣於遷鶯處上羈遊於夜雨空悲於斷鴈及卒李慶孫哭之曰四夷妙賦無上誦三酌酸文舉世傳

渥洼馬賦

喬彛試渥洼馬賦曰四蹄曳練翻瀚海之驚波一噴生風下湖山之碎葉

伐兩京道中槐

貞元中度支欲取兩京道中槐樹爲薪更栽小桃渭南尉張造牒曰召伯所憇尚勿翦除先帝舊遊豈宜斬伐乃止

有客謂張三影

有客謂張子野曰人皆謂公爲張三中即心中事即眼中淚意
中人也公曰何不月我三影雲破月來花弄影嬌柔懶起簾壓卷
花影弄柳徑無人墜風絮無影此子平生得意也

草詞

林逋詠草詞云金谷年已亂生春色誰爲主餘花落處滿地和
烟雨又是離歌一闕長亭暮王孫去萋萋無數南北東西路

太宗詩

陝府唐昭宗有詞云安得有英雄迎歸大內中逍遙樓有太宗
詩云昔乘匹馬去今驅萬乘來氣象不侔矣

增三班奉職俸

舊制三班奉職月俸七首肉斤半祥符中有人題壁云三班奉
職實堪悲卑賤孤寒即可知七百料錢何日富半斤羊肉幾時
肥朝廷遂增俸

歐公詩話

昌陵挽詞

李文正進昌陵挽詞云奠玉五回朝上帝主樓三度納降王
有祿肥妻子

仁宗時有達官詩云有祿肥妻子無恩及吏民或戲曰通衢遇

一輜駟車載極重羸牛甚苦豈非足下妻子乎

賣花檐上看桃李

京師士大夫牽於事後罕有冥遊至有賣花檐上看桃李拍酒
樓頭聽管絃之句

神御殿朝拜

西京神御殿去城十里朝拜嘗苦晨興留守達官酒三行不交
一言而退其詩曰正夢寐中行十里不交言處喫三杯

梅聖詩

梅聖俞河豚詩云春洲生荻芽春岸飛楊花河豚於此景貴不

數魚鰕破題已道盡河豚好處蘇子瞻得西南夷所賣蠻布弓
衣其文織成聖俞春雪詩其名重落夷狄如此

鄭都官不愛之徒

吳僧贊寧國初為僧錄安鴻嘲曰鄭都官不愛之徒時時作隊
贊寧曰秦始皇未坑之輩往往成群鄭谷詩云愛僧不愛紫衣僧

杜集

陳從易詩類白樂天蓋自楊劉唱和西崑行後進爭效之風雅
之變謂之崑体陳公偶得杜集舊本文多脫誤至身輕一鳥不
脫一字公與數客各用一字補之或云疾或云落或云起或云

下後得一本乃身輕一鳥過陳公歎服雖一字諸君亦不能道也

九僧集

詩僧本朝名世者九人有集號九僧一曰惠崇餘忘其名詩云
馬放降來地鵬盤戰後云又云春生桂嶺外人在海門西進士
許洞俊逸之士會諸僧分題約曰不得犯此一字乃山水風雲
竹石花草雪霜星日禽鳥之類諸僧皆閣筆洞及第時人朝曰
張康渾裘馬許洞閑裝妻是也

郊島詩

孟郊賈島以詩窮死孟移居云借車載家具少於車乃是
都無一物耳謝炭云暖得屈身成直身非身備嘗不能道此句
賈邊雖有絲不堪織寒衣就令織得能有幾何又朝飢詩云坐
聞西琴凍折兩三絃不止忍飢而已其寒亦何忍也

周朴詩

周朴詩月殿季煉未及成篇已播人口有云風煖鳥声碎日高
花影重又云曉來山鳥鬧雨過杏花稀

梅聖俞論詩

梅聖俞曰詩家若憶新語工得前人所未道者為善必能狀難
寫之景如在目前舍不尽之意於言外賈島雲竹籠拾山菓瓦

餅擔石泉姚令云云馬隨山鹿放雞逐野禽棲等是山色官况
蕭條不如縣古槐根出官清馬骨高爲工也若嚴維柳塘春水
慢花鳴夕陽遲則天容物態豈不如在目前乎温庭筠雞聲茅
店月人跡板橋霜賈島怪禽啼曠野落日恐行人則道路辛苦
羈愁旅思豈不見於言外乎

渴睡漢狀元及第

呂文穆薄遊一縣胡且隨父宰邑客有譽呂舉其詩云挑盡寒
燈夢不成胡寫曰乃是一渴睡耳俗語轉爲溘呂明年中甲科
寄声胡曰渴睡漢狀元及第矣胡答曰待我明年第二又及第

翰君一籌次榜果中首選

贈漁父詩

有贈漁父詩云眼前不見市朝事耳畔唯聞風雨声說者云患
肝腎氣盡日覓不得有時還自來本謂好句難得說者此是人
家失却猫兒

滕王蛺蝶圖

王建宮詞百首多言唐禁中事皆史傳小說所不載者如內中
數日無呼喚傳得滕王蛺蝶圖滕王元婴高祖子名盡錄略言
其善畫

詩句論病

詩人貪求好句理有不通亦語病也如袖中諫草朝天去頭上
宮花侍宴歸進諫章疏無直用藁草之理姑蘇臺下寒山寺夜
半鐘聲到客舡其如三更不是撞鐘時賈島哭僧云寫留行道
影樊却坐禪身時謂燒殺活和尚也若步隨青山影坐李白塔
骨又獨行潭底影數息樹邊身何精麗之異也

謝伯初時

閩人謝景伯初天聖間以詩知名子謫夷陵見寄長韻有云長
官衫色江波綠李士文華蜀錦張異域化爲儒雅俗遠民爭識

校讐郎下客難留金馬客新詩傳與竹枝娘又有詩云自種黃
花添野景旋移高竹聽秋聲園林換葉梅初熟池館無人燕李飛

芙蓉城主

石曼卿死後人有恍惚見之者云我今爲仙主芙蓉城騎一素
騾去如飛後又降於一舉子家留詩云鶯聲不逐春光老花影
常隨日脚長

聽風聽水

王建霓裳詞云弟子歌中留一色聽風聽水作霓裳今世間有
望瀛獻仙音二曲此其遺聲也不知听風听水爲何事

趙師民詩

趙師民龍圖詩云麥天晨氣潤槐夏午陰涼

論韓退之詩

韓退之筆力無施不可嘗以詩為文章末事故曰多情怯酒伴
餘事作詩人予獨愛其韻韻上寬則波瀾橫溢泛入旁韻不拘
常格如此日足可惜之類韻窄則因難見巧愈險愈奇如病中
贈張十八之類譬善馭者通衢廣陌縱橫馳逐惟意所之至於
水曲蟻封疾徐中節而不蹉跌梅聖俞云前史言退之為人本
強若寬韻可自足而輒旁出窄韻難獨用而反不出豈非拘強而然歟

溫公詩話

朝堂厚朴湯

詩話尚有遺者歐陽文忠公文章名聲雖不可及然記其事一
也故敢續之文德常殿朝之所宰相奏事畢乃來押班常至日
肝守朝堂卒好以厚朴湯飲朝士有戲為詩曰立殘庭下梧桐
喫尺街頭厚朴湯

惠崇詩

惠崇詩有劍靜龍歸匣旗閑虎繞竿其尤自負者有河分岡勢
斷春入燒痕青或譏有犯古曰河分岡勢司空曙春入燒痕劉

長卿不道師尤多犯古古人詩句犯師尤潘閔嘗謹之曰尔當
憂公事吾夢尔拜我豈當滯俗耶崇曰惠崇拜沙門倒也秀才
得無詣沙門島也

律听軍声詩

滕光發甫御試律听軍声詩云萬國休兵外群生奏凱中

鮑孤鴈

鮑當爲河南府法曹嘗忤知府薛映當獻孤鴈詩云天寒稻梁
少万里孤難進不惜充軍君庖爲帶邊庭信薛大嗟賞時號鮑孤鴈

魏野詩

魏野少不知名題湖上寺柱云数声離岸櫓幾點別州山有文
士見之大驚贈詩曰怪得名稱野元來性不群借冠來謁我倒
徒起迎君由是人始重之有贈先公詩云文雖如貌古道不似
家貧

蹴鞠詩

丁晋公少好蹴鞠作詩云鷹鷂騰雙眼龍蛇繞四支躡來行數
步蹻後立多時

陳文惠詩

陳文惠公詩云平波渺々煙蒼々菰蒲綠熟楊柳黃扁舟繫岸

不忍去秋風斜日鱸魚鄉又云雨網蛛絲斷風枝鳥夢搖

章憲太后挽詞

章憲太后上僊右曼卿進挽歌曰震出坤柔爻乾成太極虛

石曼卿詩

李長吉歌云天若有情天亦老石曼卿對日月如無恨月長圓

劉棨詩

劉棨有氣節作詩云昔年曾作瀟湘客憔悴東秦歸水得西窓
忽見好溪山如何尚有楚鄉憶讀書悞人四十年有特醉把闌干拍

韓魏公詩

熙寧初魏公罷相守北門新進多陵侮之公作詩云花去曉叢
蜂蝶亂雨勻春圃桔槔閑時稱其微婉

宦者王紳宮詞

元豐初宦者王紳劾王建宮詞有曰太皇生日最尊榮獻壽宮
中未五更天子捧觴仍再拜寶慈侍立到天明

賞花釣魚

先朝春月多召兩府兩制三館於後苑賞花釣魚自趙元昊背
叛西陲用兵廢缺甚久嘉祐末復修故事群臣和御製詩韓魏
公云輕雲雨迎天仗寒色留春入壽杯二十年前曾侍宴台司

今日喜重陪內侍任守忠曰韓琦詩譏陛下仁宗愕然守忠曰
譏陛下游宴太平

藥名詩

陳亞即中爲藥名詩百首上元夜公但看車前牛領上十家皮
波沒五家皮

簑衣七夕詩

楊朴善爲詩不仕太宗召見面賦簑衣詩云狂脫酒家春醉後
乱堆漁舍晚晴時七夕詩云年乞與人間巧不道人間巧已多

堠子詩

劉子儀與夏英公同在翰林英公乃副樞意頗不平作堠子詩
云空呈厚貌臨官道大有人從捷徑過

通英講藝詩

進士丁偃試通英筵講藝詩云白虎前芳掩金華舊事輕無心
非不寤垂意 蒼生

鄭工部詩

鄭工部詩有杜曲花光釀似酒灞陵春色老於人誠難得之句

戲殺

梅聖俞卒宋子才選日北見聖俞面光澤特出意謂充盛不知

乃不詳也時韓欽聖宗彥面亦光澤沈文通指曰次至欽聖矣
衆皆尤其暴謹不數日欽聖果卒予謂文通曰君雖不爲呪咀
亦戲殺耳

劉貢父詩

嚴杜二詩

梅聖俞愛嚴維詩柳塘春水慢花塢夕陽遲善則善矣細思
之夕陽遲則繁花春水慢不須柳也

王元之謝表

王元之請黃州詩云又爲太守黃州去依舊卽官白髮生謝上

表云諸縣豐發苦無事一家鮑暖荷君恩歐公取表爲詩曰諸
縣豐登少公事一家飽暖荷君恩元之在朝與宰相不相能作
江豚詩刺其肥大云餐啗魚鰕頗肥膾

不啣溜鈍漢

詩以義爲主文詞次之意深義高雖文詞平易自是寄作盧仝
詩有云不啣溜鈍漢非其篇前後意義自可掩口矣

潘閻詩

潘閻歸錢塘詩云久客見華髮孤棹桐廬歸新月無朗照落日
有餘輝漁浦風水急龍山烟火微特聞沙上鴈一背人飛此

詩不減劉長卿

四十餘年老健兒

王益柔勝之年少頡頑無所卑下張揆叔文年長每群聚輒居上坐舊傳徐州節度使王智興詩云四十餘年老健兒勝之密就舛文坐後屏風題此句

吾宗天下著

李絢公素嘗有詩贈同姓曰吾宗天下著王勝之注曰居甘泉以謳著賣藥以木牛著圍棋以憨著裁幞頭鞞著作詩以豁達著此數人皆京師人名倡李氏住甘泉善歌李木牛賣藥李憨子圍棋国手無敵而精神昏濁故號憨子鞞李善裁幞頭而與人乖刺人目鞞李豁達老人喜為詩詞語鄙下自稱豁達李老嘗書人新壁主人忿怒使市石灰巧慢訖得釋此數人因勝之遂託不朽矣

黃覺贈梅昌言詩

梅昌言出鎮并州黃覺贈詩曰出去暫開貔虎幞歸來須占鳳凰池鬚間未有一莖白陶鑄蒼圭固不遲

遇呂洞賓

黃覺株舍見一道士共飲舉杯撫水寫呂字覺始悟其為洞賓

也出懷中七大錢三小錢曰數不可益也與藥數寸許歲旦以酒磨服可一歲無疾覺如其言至十七餘藥亦盡作詩曰床頭曆日無多子屈指明年七十三果以是年終

諸館職擢者至此

李商隱錦瑟詩人莫曉其意或云是令狐楚家青衣名楊大年錢文僖晏元叡劉子儀爲詩皆宗義山號西崑休後進多竊取義山詩句御宴優人有爲義山者衣服敗敝告人曰吾爲諸館職擢者至此子儀畫義山象寫其詩列左右貴重之如此

次韻用韻依韻

唐人賡和詩有次韻其次用韻依韻同在一韻中耳用韻用彼之韻不必次之韓吏部和皇甫陸渾山火是也今人多不曉劉長卿餘干旅舍搖落暮天迥舟楓霜夜稀孤城向水閉獨鳥背人飛渡口月初上鄴家漁未歸鄉心正欲絕何處搗征衣張籍宿江上楚驛南渡口夜深來客稀月明見潮上江靜覺鷗飛旅舍今已遠此行死未歸離家久無信又聽搗征衣兩詩偶似次韻皆奇作也

唐詩量力名家

管子云事無終始無務多業言孝者貴能成就也唐人爲詩皆

量已力精思數十年各自名家今人未有少得高視前人杜詩
云更覓良工心獨苦豈獨盡手也

端葉

海陵人王綸女爲鬼所憑自稱仙人爲字數十品名號形製不
相犯諸仙所用有靈詩云何事月娥欺不在亂飄端葉落人間
云天上有端木開花六出也謂綸爲清非孺子不曉其義贈詩云
君爲秋桐我爲春風春風會使秋桐變秋桐不識春風面題金
山云潮頭風袞雪山

西山詩

洪州西山客多留詩有僧告郡守曰詩不佳何不除去守愕
然曰僧能佳乎乃吟曰洪州太白方積翠倚穹蒼萬古遮新月
半江無夕陽

福州詩僧

福州山僧多佳句如虹收千嶂雨潮展半江天詩因試客分題
僻慕爲饒人下着低

老欲依僧急則抱佛

王丞相好朝譚嘗曰老欲依僧客對曰急則抱佛耳丞相曰後
老依僧是古詩客曰急則抱佛脚亦是俗諺全句然上去頭下

去脚豈不的對

楊諤詩

蜀人楊諤受釐宣室詩云願前明主席一向洛陽人題驪山云
行人向宮殿耕者得珠璣

花蓋夫人詩

孟蜀時花蓋夫人詩大約似王建宮詞有云厨舫進食索時新
列坐無非侍從臣日午殿頭宣索膾隔花催喚打魚人又云月
頭支給賣花錢滿殿宮娥僮數千遇着喚名多不語含羞急御床前
野鷹何有王徭

山東經李多不省文章嘗一縣兩經生同官忽舉鄭谷詩曰任
是深山最深處也應無計避王徭其一人難曰此詩誤矣野鷹何
嘗有王徭乎解曰古人所為寧有失也是年必當科取毛翎耳

赤松子贈張良詩

楊安國為翰林李士以老欲求外官告又曰昔赤松子贈張良
詩曰不如聞早歸山去免使君王不到頭吾猶是也

吾方語音

司馬君實論九旗之名旗與旆相近緩急何以區別小雅庭燎
向晨言觀其旂左轉龍尾伏晨取號之旂然則旂當為芹音尔

關中人言清濁之清則不改清字丹青之青則爲萋音又以中
爲蒸虫爲塵不知旂本爲芹音因人語轉如青之言萋也秀語
若是多閩人以高爲歌荆楚人以南爲難以荆爲斤又士作歌
詩亦多不悟者

藥名詩

陳亞藥名詩詠白髮云若是道人頭上早白頭君當日合烏頭
棊爲臘寒呵子下衣因春瘦縮紗裁

承霧狼對迎霜兔

右少傳中立有客通刺承霧即石喜曰求此對三十年今得之迎
霜兔可以對承霧狼有上官必勸石慎言語石怒曰君上官必
也柰下官口何

下官之稱

晉魏以前有國者皆臣吏民宋孝武惡諸侯之強稍貶奪其禮
令稱下官之稱亦不輕矣今人乃以代名

字扁旁令

有以進士爲舉首者其黨人意侮之因其人出令以旁扁爲率
曰金銀釵釧鋪次一人曰絲綿絢絹黨人曰鬼魅魍魎俗
有謔語曰急打急圓慢打慢圓分爲四段送在掙前初似陶瓦

乃謂令耳

互郎

今人謂駟駿為牙本謂之互郎主互市事也唐人書互作手牙似牙字因轉為牙今人謂万為力謂千為撇但數目可按故能存本字不然亦若手牙耳

佚老停

陳文惠公使相致仕年近八十有詩云青雲岐路遊將遍白髮光陰得最多作佚老亭云文惠善遺墨書自負云前無古人後無來者

末厥兵

歐公寄陶尚書詩云尖簷帽子卑凡斲短鞞靴先末厥兵不曉其義予謂今呼秃尾狗為厥尾衣之短後者亦曰厥則此兵正用其末賤耳但今人不以末厥連之不然亦不可對卑凡字

何樓

世人語虛偽者為何樓因初京師有何樓其下所賣物者濫者故人以此目之今樓已廢語猶相傳

胡語詩

余靖尚書使契丹能為胡語使虜作詩曰夜筵沒邏侈盛也臣拜

說受賜也兩朝厥荷通好也情幹勤厚重也微臣雅魯拜舞也祝若統福祐也

聖壽鉄擺

也 嵩高

俱弗忒

也 元極

虜主大笑

兩都詩

宋似道嘗為兩都詩以野狐落對五鳳樓言野狐落唐人名宮人所聚

大名似佳詩

太宗時進年有數人名似姓者或取為詩云郭鄭鄭東東野絳馬馬張張夏夏侯璘熙寧初士人有崔度崔公度王韶王子韶皆的對也又有張君陳陳君張唐人東方虬欲對西門豹當有好事者為對

說黃巢事

有道人說黃巢事因曰黃大晚節至此張安道云黃巢兄弟六人巢最處少且云黃六猶可以誑人道人說偽多端如此

殺祭社豬

張端爲河南司錄府當祭社買豬已呈尹豬突入端家端即殺之吏以白尹尹端對曰按律諸無故夜入人家主人登時殺之勿論尹大笑爲別市豬

有酒如澠在北曰狄

狄相沆契丹館客嘗云有酒如澠繫行人而不住未有能對者刘即應曰在北曰狄吹去塞以何妨

香印

太祖登極市人以香印字逼近上名不敢斥言擊鐵盤默喻相傳不改

黃耳寄書

陸機黃耳寄書自洛至吳歷江淮犬何能浮水此犬通神則不容言說耳或云陸氏有奴名黃耳不知者見犬有名黃耳因以爲真狗也

孟東野詩

李習之稱孟東野詩食齏腸亦苦強歌声不歡出門即百碍誰

石有嘉堂

謂天地寬可謂知音今世傳郊集五卷又有咸池集語多寒澁
疑向五卷是名士則取東野與退之聯句宏博若出一手退之
容有潤色也

...

...

...

...

類說卷第四十七上



聖